

卷六

駁案新編三十二卷
 清全士潮等輯
 卷六
 史政書法令刑案
 大木法類例案 22
 3852000

彩色首頁1

東洋文化研究所漢籍目錄 編號: B3852000
 東洋文化研究所漢籍目錄所藏漢籍善本全文影像資料庫 索書號: 大木法類例案-22
 漢籍善本全文影像資料庫 駁案新編三十二卷
 版權所有: 東京大學 東洋文化研究所
 使用上の注意事項

駁案新編卷一
 名例上

直隸司 一起為遵 旨議奏事看得天津縣民船戶劉治等偷賣剝船漕米一案據直隸總督周元

理奏稱劉治籍隸天津種地營生乾隆三十九年六月間伊叔劉漢公病故遺船一隻該犯即雇天津

民人趙魁周煥駕至楊村一帶攬載度日七月二十三日有湖北蘄州衛頭幫運丁宗志勝雇伊船剝運

米二百五十石言定雇價飯米令隨丁宗得遠押運劉治又添雇田七宋通李成幫駕開行劉治因所得

雇價不敷還帳水手工錢又無開發遂起意偷賣漕米商之趙魁等許以賣米錢文該犯自得一半水手

五人分半趙魁等俱各允從船至北蔡村地方劉治將船停泊上岸與素識之酒米鋪戶旗人方天

禿告欲賣方天禿信以為實每石議定價錢一千文劉治又慮宗得遠在船押運不便偷竊即

沽燒酒回船與宗得遠對飲宗得遠醉後睡臥後艙該犯隨至方天禿鋪內借取口袋五條交給水

手搬運該犯在鋪自飲後見運米太多即令歇手方天禿始知係偷盜之米因貪得便宜不愿

退還先給該犯制錢十八千約以賣出再給劉治携錢至船趙魁等均分劉治隨携錢文至

楊村王家鋪地方宗得遠酒醒見米短少查問水手趙魁等哄稱上岸找尋劉治各自逃散劉

駁案新編 卷一名例上 方天禿

駁案新編卷六

刑律賊盜上

捏造逆詞
希圖傾陷
比照大逆

廣東司 一起為遵 旨核擬速奏事軍機處抄出兩廣總督楊景素等奏陸豐縣革監鄭會通即鄭文煥商同周維玉捏造逆詞填寫逆冊誣告堂弟鄭會坤等謀為不軌陷害多人審擬治罪一摺於乾隆四十二年十月十九日欽奉 上諭楊景素奏陸豐縣民鄭會通周維玉挾嫌捏造匿名揭帖希圖傾陷一摺已批交三法司核擬速奏矣該犯等因懷挾私嫌敢將謀逆重情匿名誣陷至一百餘人之多情罪甚為可惡自應按律問擬至其中應行緣坐人犯內如鄭會禮鄭會衷鄭阿拱鄭阿果即係該逆犯挾嫌誣控之人今其事幸得昭雪而轉以其為逆犯弟兄之故一一罹於重辟是該逆犯雖身膺顯戮而其意中所本欲傾陷者亦不能免俾無賴之徒竟得拚一死以遂其所願未為平允且該逆犯既忍以大逆誣其弟兄則其蔑視天顯恩義早絕更何必因其誼屬期親概從緣坐乎雖此等緣坐人犯朕每從寬改為秋後處決秋審情實冊內亦不予勾但定例遲至十年然後可入緩決以次減等亦復可憫此案除逆犯鄭會通之妻子照大逆緣坐律定擬外其本被該逆犯傾陷之鄭會寅等著與訊明之無干人眾一併省釋俾悖逆奸徒知害人適以自害無所施其傾陷伎倆庶刁惡之風可以稍戢三法司即遵照核辦併

通諭中外知之欽此欽遵抄出到部該臣等會議得據兩廣總督楊景素等奏稱緣鄭會通即係監生鄭文煥兄弟七人久經析產分爨皆可溫飽惟鄭會通平日遊蕩好訟將所分田產銷花殆盡屢向親堂兄弟借貸不遂心懷忿恨於乾隆三十七年鄭會通適因舊借黃應元陳德芳顏景高黃若能等番銀二千三百圓屢討無償經中證公議將田園糧房估價銀一千三百圓抵與黃應元等變賣攤分隨恨黃應元等逼討於十月內與素相交好之惠州府碣石同知衙門書辦周維玉商議洩其代作呈狀假作伊母蔡氏出名捏稱誘賭佔產赴縣控告蔡氏聞知今次子鄭會寅抱呈將冒名捏控情由稟縣審明傳同教官將鄭會通責處四十一年三月內鄭會通又因舊借堂弟鄭會坤兄弟番銀二百六十圓未還被鄭會坤斥辱鄭會通又商同周維玉反稱鄭會坤侵吞糧銀赴碣石同知衙門捏告希圖抵賴又經伊母蔡氏聞知具呈首明將案批銷其負欠鄭會坤之銀令其即行設措清償而鄭會通於捏控鄭會坤之時被堂弟鄭會寅理斥隨於四月內捏稱鄭會寅本屬彭姓係伊叔鄭倫錦乞養義子應逐令歸宗洩周維玉作狀又赴同知衙門呈控批交房族查覆伊母蔡氏嗔其挾嫌誣讎復令四子鄭會禮抱呈邀同族長鄭倫伯等赴訴即經審明發學戒飭四十二年八月內鄭會通貧無聊賴復欲將公屋出售鄭會坤鄭會寅鄭會禮鄭會衷鄭阿拱鄭阿果鄭會揆鄭會端鄭阿選等俱各不允投知房族鄭倫伯等理阻鄭會通益加忿

恨欲圖設法陷害又慮小事不足破敗其家起意匿名誣首鄭會坤謀為不軌并鄭會禮鄭會端幫同招黨以圖查拏洩忿復恐人少不足動聽隨開造一冊先寫各項文武官職次填姓名將鄭會禮鄭會端及阻止賣屋之鄭會寅鄭會衷鄭阿拱鄭阿果鄭會揆鄭阿選六人詞證陳錫欽等並賒借不遂平日爭角有嫌之鄭奇棟等七十六人與伊姪鄭阿地一併開入冊內俱作為隨同謀逆之人又捏寫海豐縣監生吳姓匿名首呈於八月二十日持至周維玉家密商欲用武職官封投遞將軍衙門以期發覺迅速詎周維玉並不阻止輒代為潤色於首呈內添寫招集英雄猛將兵馬先攻陸豐城池字樣又見冊面未開名目而冊內填寫文武官職有如誥命照誥命匣上龍章寵錫之意隨編與漢龍章四字並以冊內尚有官職二十餘項未填姓名即將伊平日有隙之陳捷階等十六人亦填入冊內因尚不足數鄭會通又隨手捏填並無其人之蔡日珍等十一人周維玉復因鄭姓多人俱經填寫入冊惟鄭會通冊內無名必動人疑令將己名一併填入聞信先逃審虛再行回家鄭會通聽信攜帶照繕於二十五日寫完送交周維玉查看周維玉即代寫碣石鎮右營遊府具申將軍封袋又取竹片用油硃壓成印框另用硃筆將烟鋪陳滿記等篆字雜湊描畫有似關防模樣封入逆呈逆冊交鄭會通於九月初一日攜至海豐縣石碑地方撞遇過往不識姓名挑夫給錢四十文稱係南門總塘轉遞到省經將軍臣永璋拆閱密交臣與撫臣李

質穎公同查看當即委員馳往查拏臣楊景素亦即親往督辦究獲鄭會通等挾仇捏造傾陷情由審認不諱將鄭會通卽鄭文煥周維玉俱依律凌遲處死梟示鄭會寅鄭會禮鄭會衷鄭阿拱鄭阿果周維發周廷周阿才俱擬斬立決照例先行刺字鄭阿地鄭阿丙鄭阿坵鄭阿莫周阿添周阿受并張氏等俱給付功臣之家爲奴蔡氏擬流收贖等因具奏前來查律載大逆但共謀者不分首從皆凌遲處死正犯之子孫兄弟及兄弟之子年十六歲以上皆斬其十五歲以下及正犯之妻俱給付功臣之家爲奴各等語今鄭會通因懷挾私嫌輒敢捏造謀逆重情親書逆呈逆冊填寫官職造作逆詞匿名誣首鄭會寅等一百餘人周維玉同謀誣陷將伊平日有嫌之人一并開入更添寫招集兵馬攻城并取名興漢龍章等字樣均屬罪大惡極應如該督所奏鄭會通周維玉均比照大逆但共謀者不分首從皆凌遲處死律皆凌遲處死仍梟首示衆該督奏稱鄭會通之兄鄭會寅弟鄭會禮鄭會衷鄭阿拱鄭阿果周維玉之兄周維發子周廷姪周阿才均係逆犯兄弟子姪應照大逆正犯之子孫兄弟及兄弟之子年十六歲以上皆斬律擬斬立決等語查鄭會寅等五犯俱係該逆犯挾嫌誣控之人若如該督所奏照律緣坐擬以斬決誠如聖諭該逆犯雖身膺顯戮而其意中所本欲傾陷者竟得遂其所愿未爲平允應欽遵諭旨免其緣坐卽予省釋外其周維玉之兄周維發子周廷姪周阿才等三犯俱應如該督所奏將周維發周廷周阿才均照大逆正犯之子孫兄弟年十六歲以上皆斬律擬斬立決再該督奏稱鄭會通之姪鄭阿地鄭阿丙鄭阿坵鄭阿莫周維玉之姪周阿添周阿受俱年未及歲應與鄭會通之妻張氏俱照律解部給付功臣之家爲奴又鄭會通之母蔡氏年已七十向隨四子鄭會禮度日並不同居因鄭會通捏造逆詞蔡氏實不知情且於該府縣前至鄭會禮家搜查時卽疑係鄭會通所爲據實稟首拏獲可否將蔡氏援照挾仇編造邪說比照大逆定罪之案該犯實不知情並不同居無從覺察者改爲流三千里之例擬流收贖免其緣坐出自聖恩等語查鄭會通之姪鄭阿地鄭阿坵卽係鄭會寅之子鄭阿丙係鄭會禮之子鄭阿莫係鄭會衷之子今伊父鄭會寅等旣因被誣邀恩寬免該犯等卽係被誣人之子情亦可憫又該逆犯之母蔡氏並不同居鄭會通屢次捏控俱經蔡氏到官首報及至匿揭事發卽將該逆犯挾嫌陷害連日舉止慌張顯有不法等情稟首獲犯情屬可原應請一併推廣皇仁免其治罪將鄭阿地鄭阿坵鄭阿丙鄭阿莫及蔡氏等均予省釋其周維玉之姪周阿添周阿受及鄭會通之妻張氏均應如該督所奏解部給付功臣之家爲奴再該督奏稱鄭會通周維玉各財產俱查明入官被誣之黃應元併鄭會坤等一百三十八名逐加親訊內多副榜監生貿易良民皆屬安分守法當卽省釋等語均應如該督所奏完結等因乾隆四十二年十月二十日奏本日奉旨鄭會通周維玉俱著卽凌遲

遊犯之父
訊非知情
縱容
嗣後如有
逆犯祖父
應行緣坐
者除訊明
知情故縱
仍照例問
擬外其訊
非知情者
即概予省
釋不必緣
坐新例

處死仍臬示周維發周廷周阿才俱著從寬改為應斬監候秋後處決餘依議欽此

江西司 一起為遵 旨核擬速奏事會看得贛縣民廖景泮等在川省傳教惑眾偽造榜文及佛諭

經卷一案據江西巡撫郝碩奏稱經 臣遵奉 諭旨派委道府在於各該犯家內搜獲佛諭經本並拏

獲犯屬又另行究出聽從喫齋之劉世斌等六人提省究辦一面奏 聞於八月十四日奉 硃批

知道了欽此 臣隨督率司道等公同研鞫緣信豐縣故民蕭維富即蕭齋公生前創為邪教妄稱羅祖三

乘正教真傳授與廖誦升廖誦升傳與廖秀林廖秀林傳與伊子廖景瀄廖景瀄傳與堂弟廖景泮暨村

民鍾元芳鍾公山邱添澤邱德位邱德偉邱仁組劉世斌等廖景泮又傳徒黃東啟李迎珍黃東啟又傳

徒侯大亨侯大生二人喫齋信崇轉相傳惑蕭維富在日曾有護道榜文及佛諭經本遞傳與廖景瀄廖

景瀄物故入伊徒邱德偉之手祇因蕭維富歿於康熙丙寅迄今九十餘年廖誦升廖秀林廖景瀄亦先

後身故其教始於何年榜文等項造自何人皆無可稽考詎邱德偉藉有收藏榜文經卷起意惑眾於乾

隆四十一年誘引川民童國祿拜廖景泮為師至四十五年有川民張斌央童國祿邀廖景泮赴川設教

童國祿又轉託劉正富相邀四十六年正月廖景泮同邱德偉廖昌華曾慶遠攜帶榜文等項在家起身

至川省張榜設教被巴州及通江縣拏獲究出來歷起獲榜文佛諭經本經督臣文綬奏奉 諭旨交

臣查辦并續准文綬究出入教之黃東啟李迎珍廖士澹謝開祿吳學賢等五名咨查到 臣即飛飭贛

南道湯壽棠督同該府縣拏獲邱德偉廖景泮廖秀林三犯家屬廖秀科等二十六名口復獲黃東啟李

迎珍并究獲劉世斌等犯又於邱德偉家搜出鈔經四本邱仁組劉世斌二家搜出佛諭各一紙此外並

無不法字跡據將各犯先後解省經 臣訊究備悉前情 臣恐該犯等曾在本地開堂設教及別有蔓延并

尚有隱匿榜文等項嚴行根究矢供不移并稱邱德偉既已在川敗露身犯重罪何肯代人隱諱不行

供出至我等現奉逐戶搜查佛諭經本已經起獲若有榜文豈能隱匿等語剖辯甚力似無遁情將已故

蕭維富廖秀林廖景瀄均依律擬以凌遲仍開棺戮屍廖誦升擬斬先已物故應毋庸議律應緣坐之廖

秀科等十犯擬斬年未及歲之廖老三仔等六名與逆犯眷屬張氏等十口擬發為奴黃東啟等八犯擬

軍等因具 奏前來查律載大逆但共謀者不分首從皆凌遲處死祖父父子孫兄弟及伯叔父兄弟之

子男十六以上皆斬其十五以下及母女妻妾姊妹若子之妻妾給付功臣之家為奴財產入官若女許

嫁已定歸其夫知情故縱隱藏者斬又本年閏五月 臣部奏准嗣後各省邪教為從之犯罪應擬軍者各

照舊例發雲貴兩廣烟瘴地方充軍如有情節較重者於到配後再加枷號六個月各等語此案蕭維富

等私奉羅教轉傳授及於他省且膽將偽造榜文張掛惑眾不法已極除廖景泮邱德偉劉正富廖昌



廖秀科

左道惑眾
爲從現行
例發回城
給大小伯
克及力能
管束之回
子爲奴
光緒十三年
補刊

華等先據原任四川督臣文綬援照大逆律分別問擬經臣等核覆奉 旨將廖景泮邱德偉凌遲處

死劉正富斬決廖昌華改爲斬候張斌等分別軍徒曾慶遠童國祿病故並收藏榜文轉授律應斬決之

廖諦升身故不議外其首先傳授之蕭維富與抄寫榜文之廖秀林廖景瀄均屬罪大惡極法難輕縱應

如該撫所奏蕭維富廖秀林廖景瀄均合依大逆不分首從律凌遲處死雖久伏冥誅仍應開棺戮屍以

彰 國憲而正人心所有緣坐親屬除蕭維富業已故絕外廖景泮之父廖秀科弟廖昌禮子廖明富邱

德偉之兄邱德化姪邱仁禮邱七元仔邱仁祿邱仁組廖景瀄之子廖明光廖明貴均照大逆緣坐律擬

斬立決該撫既稱廖景瀄之子廖老三仔廖辛瓏仔姪廖明壽廖老二仔邱德偉之子木長生新生仔俱

年在十五以下應與廖景泮之妻張氏媳許氏邱德偉之母蕭氏妻羅氏廖景瀄之母徐氏妻劉氏媳黃

氏女長秀仔媳楊氏女一口均解部給與功臣之家爲奴廖景泮之女廖善姑已嫁廖閏姑已字俱歸夫

家照律免坐廖景泮之兄廖昌周廖昌求邱德偉之兄邱德仲弟邱德仕均已身故毋庸議又邱德偉之

兄邱德位卽義泉弟邱德偉卽雲漢姪邱仁禧應俱俟獲日照例辦理此外別無律應緣坐之人正犯財

產查明照律入官再黃東啟李迎珍劉世斌鍾元芳鍾公山邱添澤侯大亨侯大生等八犯皆聽從入教

契齋並未收藏榜文應均照左道惑眾爲從例發雲貴兩廣烟瘴充軍至配所各杖一百黃東啟傳徒二

人情節較重應於到配後再加枷號六個月示儆李迎珍現年八十鍾元芳現年九十不准收贖廖景泮

家存佛諭一紙已經伊父廖秀科焚燬廖士濼謝開祿久經病故應與川省訊明病故之吳學賢俱免置

議地保張廷相謝明瑤鍾吉高並不查明舉首照不應重律杖責革役各犯家起出佛諭經本解送軍機

處銷毀等語均應如該撫所奏辦理仍令該撫將未到案之邱德位邱德偉邱仁禧拏獲另結並將各犯

擬罪緣由遍行出示曉諭俾愚頑共知儆戒其失察之現任歷任地方官該撫既稱另行查明核參應聽

該撫照例辦理臣等謹會同都察院大理寺合詞具 奏乾隆四十六年九月初九日奉 旨蕭維富

廖秀林廖景瀄著卽戮屍至廖景泮之父廖秀科一犯該部擬以緣坐固屬照例辦理但向來緣坐之犯

無不加恩改爲監候以示罪人不孥之義況其父祖尤非兄弟子孫可比此案廖秀科訊非知情縱容著

加恩免其治罪嗣後如有逆犯祖父母應行緣坐者除訊明知情故縱仍照例問擬外其訊非知情者卽

概予省釋不必緣坐著爲令其律應行緣坐之廖昌禮廖明富邱德化邱仁禮邱七元仔邱仁祿邱仁組

廖明光廖明貴俱著從寬改爲應斬監候秋後處決餘依議欽此

河南司 一起爲遵 旨核擬速奏事會議得桐柏縣生員曹文邠與教諭黃懷玉挾嫌訐控查出湖

北孝感縣生員程明誣摘錄成語內多悖逆並在曹文邠家搜出劉逢慈寄存文昌錄符咒一案據河南

逆案罪名
欽奉諭旨
改定併
免家屬緣
坐

巡撫富勒敦奏稱緣程明誣係湖北孝感縣生員至河南桐柏縣教書十有餘年乾隆四十六年二月初一日鄭友清生日戚友劉用廣等浼程明誣撰文製幛祝壽程明誣因鄭友清本係楚人在豫起家又時值三月文內敘有紹芳聲於湖北創大業於河南及捧河中之劍似為添籌語句鄭友清疑有違碍隨用紅紙貼出程明誣聞之忿怒程明誣學徒監生胡高同生員楊殿材王國華及李夢蓉等俱懷不服三月初三日胡高同路遇鄭友清之姪鄭萬青令其就近服禮鄭萬青不允輒拳毆鄭萬青右眼楊殿材王國華等亦以鄭友清係屬白丁不當妄加評論編造俚語肆行斥罵令李夢蓉書寫粘貼街市為師洩忿鄭友清因曹文邠與伊素有嫌隙又與程明誣交好疑係曹文邠串通傾陷即持幛向桐柏縣教諭黃懷玉呈首黃懷玉傳詢曹文邠爭辯黃懷玉責打手掌六下曹文邠出外書罵又為黃懷玉杖責二十板並出示招告曹文邠即捏黃懷玉壽誕召伊領袖赴祝接准土娼呈詞尅短廩祿往拜鄭友清之壽等款赴學臣衙門控訴批飭南陽府提訊咨會到臣查程明誣代撰祝文語多狂悖曹文邠列款越控均非安靜之徒平日必尙有不法字跡隨密飭府州等在於程明誣寓所搜出久經飭禁之留青新集一部又摘寫後漢書趙壹傳內成語詩句一紙內加圈評并於曹文邠家查出文昌錄一軸同符咒解省委員審訊據程明誣供認係伊書寫圈點不諱曹文邠供稱文昌錄符咒係伊所延塾師湖北生員劉逢慈寄存等情查

程明誣摘錄成語顯屬悖逆曹文邠家存文昌錄符咒類邪教將查起抄錄成語等件奏蒙 聖鑒並將劉逢慈等咨題來豫督同兩司等將程明誣所做壽文及抄錄成語狂悖之處逐一指詰據供上年二月內劉用廣們向犯生說他相好的鄭友清原是湖北興國州人搬居河南桐柏縣經營成家三月初一日是他生日央犯生作文與他做幛祝壽犯生應允做了一篇壽文叫學生李夢蓉寫上壽幛末尾書明犯生所撰後來聽說鄭友清將壽文內創大業於河南捧河中之劍等句貼出疑是曹文邠與他有隙串通犯生設計陷害犯生想鄭友清從興國州來到桐柏縣起家故說紹芳聲於湖北創大業於河南原引易經富有之謂大業是贊訟他的至捧河中之劍似為添籌因係三月生日故引用秦昭王上已置酒故事也是切時令的意思且本係留青新集內抄寫下來怎說是犯生陷害他呢那起獲紙片上寫後漢書趙壹傳內成語詩句是庚子科犯生回籍鄉試不中心裏牢騷不平後回到河南桐柏縣仍舊教書次年二月內偶看後漢書趙壹傳觸起心事隨手摘寫幾句妄加圈點實不敢有別的意思請以趙壹傳內五言詩一首你何以獨取文籍雖滿腹不如一囊錢二句密加圈點且批古今同慨四字況如今 聖明在上勤政愛民偶遇偏災蠲免錢糧發項賑濟天下臣民無不感戴你怎混抄那不飽煖當今豐年的成語呢據供犯生入學以後教書度日那些有錢的人都瞧犯生不起犯生心裏憤懣故圈出文籍雖滿

腹不如一囊錢兩句旁批古今同慨四字犯生科舉多次總不得中埋怨主司好惡不當又因命運乖蹇屢困文場不得發達縱使衣食充足也不快活故寫出鑽皮出毛羽洗垢求瘢痕不飽煖當今豐年等句總是生員心裏牢騷不知安分以致犯了悖逆大罪還有何辯等語至文昌錄符咒據劉逢慈供係伊父劉仁曾遺存伊父生前曾言每遇作文書符念咒倍加敏捷該犯會練習數次並不靈應三十二年九月伊父物故卽未經練習僅存篋中四十六年正月攜帶來豫會與曹文邠看過嗣該犯回籍卽將原箱交與曹文邠收藏等語恐其另有輾轉傳播情事必須徹底究追盡行銷燬以杜邪說且劉仁曾已故安知非該犯飾詞狡卸復再四推鞫堅稱實係伊父遺存之物不知得自何處寫自何年該犯因自己不能練習並未轉傳與人亦未借人抄寫反覆究詰矢口不移將程明誣照大逆律凌遲處死該犯之弟程明珠照律擬斬立決及伊妻子姪均依律緣坐爲奴劉逢慈等擬以流徒杖罪等因具 奏前來查律載大逆者凌遲處死正犯之祖父父子孫兄弟及兄弟之子年十六以上皆斬其男十五以下及正犯之母妻給付功臣之家爲奴財產入官子孫過房與人不追坐等語今程明誣身列膠庠宜知大義乃因屢躓文場心懷忿懣輒敢逞其講張摘錄成語妄肆圈評實屬悖逆應如該撫所奏程明誣合照大逆凌遲處死律應卽凌遲處死其程明珠雖久經分居訊不知情但係程明誣胞弟程明珠亦應如該撫所奏合依正犯之兄弟皆斬律擬斬立決該撫奏稱程明誣之母蕭氏解豫後病故毋庸議外其妻沈氏應同年十五以下三子二狗三狗五狗及程明珠之子七兒均依律緣坐給付功臣之家爲奴程明珠之妻李氏係正犯兄弟之妻照律免其追坐劉逢慈卽劉廷勳收藏文昌錄符咒雖伊故父遺存止圖作文敏捷並無煽惑人民別項不法情事但事既不經跡類邪教且恭遇 廟諱不加敬避該犯收藏日久不行呈繳未便以尙未惑人稍爲輕縱劉逢慈應革去衣頂照左道異端煽惑人民爲從律杖一百流三千里依名例改發黑龍江等處充當苦差曹文邠既知情不首且代爲收藏應照他人造傳妖書隱藏不送官者杖一百徒三年律杖一百徒三年楊殿材王國華胡高同李夢蓉等事不干己或寫帖辱罵或拳毆鄭萬青成傷均屬不合俱應照不應重律杖八十黃懷玉被控各款質之曹文邠均不能指出實據但鄭友清呈首之後不卽移縣拘究私自傳問迨曹文邠不服爭鬧又不卽行詳革轉出示招告實屬溺職已經革職應免再議鄭友清因見壽文有違碍字句赴學呈首係屬鄉愚畏累但心疑曹文邠主唆妄行牽控殊有不合應照不應重律杖八十年逾八十照例收贖無干概行省釋起獲留青新集另行咨送銷燬等語查楊殿材王國華胡高同李夢蓉等均係逆犯程明誣學徒乃既知程明誣所作壽文被鄭友清指出違碍語句復敢寫帖辱罵逞強肆毆實非安分之徒僅予杖責不足示儆應將楊殿材等均改照大逆知情不首

杖流律量減一等杖一百徒三年餘均應如該撫所奏完結等因乾隆四十七年五月初七日奏本日奉
上諭據三法司核奏河南生員程明誣為鄭友清妄作壽文內有紹芳聲於湖北創大業於河南語言悖
逆照大逆律凌遲處死等因一摺所擬未為允協程明誣妄作壽文及圈點成語之處不過文理不通濫
用惡套與公然造作悖逆語言者有間鄭友清疑有違碍用紙貼出並未徑行告許乃程明誣心生忿怒
率領生徒胡高同等輒肆拳毆並寫斥罵語言粘貼街市洩忿此等黨同惡習實啟師生門戶之漸於世
道人心甚有關係程明誣之罪實在於此該犯毋庸照大逆凌遲處死律定擬著改為應斬立決所有緣
坐各犯俱著寬免毋庸查辦其徒胡高同楊殿材王國華李夢蓉等逞強肆毆為師洩忿均非安分之徒
卽著照部議完結以示懲儆餘依議朕辦理庶獄一秉大公所犯情罪悉視其人之自取似此門戶之見
尤宜整飭以靖土風將此通諭知之欽此

存留祖遺
狂悖詩集
量減擬徒

安徽司 一起為遵

旨查明核議具奏事內閣抄出安徽巡撫譚尙忠具奏欽縣查出方國泰隱藏

伊高祖方芬濤浣亭悖逆詩集一案乾隆四十七年五月初三日奉

硃批該部議奏欽此又同日奉

上諭譚尙忠奏欽縣已故貢生方芬所著濤浣亭詩語多狂悖伊元孫方國泰隱藏不首一案請將已故
之方芬創墳戮屍其隱藏詩集之方國泰照大逆知情容隱律問擬斬決等因辦理殊屬失當已批交該

部議奏矣據稱查出方芬詩集內征衣淚積燕雲恨林泉不共鳥啼新又亂剩有身隨俗隱問誰壯志足

澄清又兼葭欲白露華清夢裏哀鴻聽轉明等句雖隱躍其詞有厭清思明之意固屬狂悖但不過書生

遭際兵火遷徙逃避為不平之鳴並非公然毀謗本朝者可比方芬老於貢生貧無聊賴抑鬱不得志詩

意牢騷則有之況其人已死朕不為已甚若如此卽坐以大逆之罪則如杜甫集中窮愁之語最多卽孟

浩然亦有不才明主棄之句豈亦得謂之悖逆乎此等失意之人在草澤中私自嘯咏甚多若必一一吹

求繩以律法則詩以言志反使人人自危其將何所措手足耶從前查辦河南祝萬青家祠匾對及湖南

高治清所刻滄浪鄉志吹求字句辦理太過屢經降旨通諭各督撫毋得拘文牽義有意苛求豈譚尙忠

未之知耶此案著交刑部卽照此旨另行核擬具奏如方芬詩集內或另有不法字句不止如摺內所稱

該撫未經摘出或有不敬陳奏之語並著該部詳悉查明再行核辦請旨若別無不法字句卽可毋庸辦

理朕凡事不為已甚豈於語言文字反過於推求各省督撫尤當仰體朕意將此通諭中外知之欽此仰

見我 皇上鑒空衡平法外施仁之至意 臣等當將欽奉 諭旨通行各督撫遵照外查原奏內稱

方國泰籍隸欽縣曾經讀書其五世祖方芬係 本朝歲貢生生於天啟年間歿於康熙二十九年著有

易經補義一部濤浣亭詩集一本又伊七世祖方有度著有陸辭疏草一本方國泰於學臣考試時將陸

辭疏草易經補義二書呈出以爲一家孝友請區獎勵當經飭縣查出方芬濤浣亭詩內有征衣淚積燕雲恨林泉不共鳥啼新又亂剩有身隨俗隱問誰壯志足澄清又兼葭欲白露華清夢裏哀鴻聽轉明等句語意狂悖訊之方國泰供稱濤浣亭詩係伊五世祖方芬所著不知何時刊刻遺存在家只此一本詩內有悖謬之處因係祖上所著相隔百有餘年實在不能指出作詩本意至所著避寇字樣幼時曾經祖父言及康熙初年有閩賊來攻徽州府城一家逃避官兵討賊平復始得回家這避寇的話想必就指閩寇等語臣吊查該府縣志悉載有康熙十三年閩賊羅其熊等攻城經將軍額楚巴等擊退一事是該犯所指避寇之說雖屬有據其狂悖語意雖係事遠人亡難以指出但前奉諭旨凡收藏違碍悖逆之書者俱令及早呈繳仍免治罪前撫臣業經宣布聖德通飭所屬遵照該犯讀書識字既將伊祖上所著之陞辭疏草易經補義呈請求獎而於濤浣亭詩集獨不呈出其爲有心藏匿已可概見再三駁詰據稱易經補義陞辭疏草是有經濟學問的故此呈出見得我祖上有人這濤浣亭詩集只道是幾篇吟咏之句無關緊要故此不曾呈出今蒙指問說我有心隱藏我實在糊塗該死無可置辯甘心認罪等語請將方芬創墳戮屍方國泰照大逆知情隱藏者斬律擬斬立決等因旋據軍機處將方芬所著濤浣亭詩集交出到部臣等遵旨檢查濤浣亭詩集計共五十六首逐加詳核除摺內所稱征衣淚積燕雲恨等句及避饒寇時諸作業據該撫粘簽呈覽外其餘實無另有不法字句亦無該撫未經摘出不敢陳奏之詞是方芬所著詩集隱躍其詞有厭清思明之意本屬狂悖已蒙聖明洞鑒不過書生遭際兵火遷徙逃避爲不平之鳴並非公然毀謗本朝者可比自未便如該撫所擬將方芬創墳戮屍方國泰照大逆知情隱藏律擬斬惟是收藏違碍悖逆之書前奉諭旨俱令及早呈繳今方國泰既將祖上所著之陞辭疏草易經補義呈請獎勵而於濤浣亭詩集獨不呈出其爲違禁收藏實無疑義查律載收藏違禁之書者杖一百又凡大逆知情不首者杖一百流三千里等語此案除著濤浣亭詩集之貢生方芬久經身故業蒙聖恩不加重罪應毋庸辦理外至方國泰存留祖遺詩集內有狂悖之處自應遵照前奉諭旨及早呈繳乃藉稱吟咏之句無關緊要匿不首出係收藏狂悖詩集與別項禁書不同若僅照收藏禁書律擬杖實不足以示懲查律載凡大逆知情不首者杖一百流三千里係指容隱罪人者而言方國泰係收藏詩集應照律量減一等杖一百徒三年到配折責發落至該撫奏稱詩集板片恐各屬蒐羅不盡現在飭屬實力查繳並移咨各省一體詳查銷燬淨盡等語應如該撫所奏辦理所有臣等遵旨查明核擬緣由謹恭摺具奏請旨乾隆四十七年六月初四日發報具奏初五日奉旨依議欽此

聚衆爬城
依謀改已
行修改款
血訂盟例
附修改款
血訂盟分
別齒序人
數新例

林阿裕

廣東司 一起爲遵 旨核擬具奏事看得揭陽縣匪徒林阿裕黃夜爬城地保林喜首告民婦馬王氏妖言惑衆一案據兩廣總督李侍堯奏稱緣林阿裕與素行無賴之縣民陳阿高交好乾隆三十八年陳阿高聚衆結盟經前署縣張映衡訪獲拏解撫臣德保核審具題照例將首犯陳阿高問擬絞候發回監禁林阿裕由福建販賣薯粉回家知陳阿高罪名已定往探陳阿高之父陳阿受見其痛子情切卽以見死不救不爲好漢還須設法救全之言勸慰辭出一路思想以結拜弟兄無甚大罪不應擬絞遷怒問官欲殺知縣洩忿遂起意糾夥潛越進城赴監救出陳阿高劫放罪囚出獄往殺縣令覓船逃避有陳阿高族人陳阿諒亦與林阿裕相好前赴探望林阿裕密告情由商同糾黨陳阿諒應允林阿裕糾得王大才劉阿猛劉阿順劉阿捷林阿六馬阿袍并其子馬阿俸七人陳阿諒亦轉糾陳阿蘇林阿泮張阿五至林阿裕家商議林阿裕探知前署縣張映衡委署理嘉應州篆務署知縣史易定於十二月初一日到任欲於新舊交卸之際乘空舉行恐明言劫獄難以糾人並慮洩漏張揚時值歲晚惟假以搶奪富戶銀錢分用爲由易於勾結並令各帶防身器械俟衆夥聚集臨時逼脅同行計議已定隨各分頭招黨林阿裕又自糾林大慶林智林阿大許阿萃林阿秋五人陳阿諒又轉糾陳阿萬陳基璧陳阿軍許良謝讓五人馬阿袍轉糾馬阿多馬阿二馬阿九馬阿歡馬阿達馬阿移馬阿發楊勇陳表九人林阿六轉糾得洪阿

綱吳阿興林阿碧莊德儒四人張阿五轉糾得莊阿英莊阿木關阿勝蕭阿朝張阿向五人內惟陳阿諒轉糾之陳阿萬陳阿軍陳基璧許良謝讓五人稔知劫獄情由林阿裕等所糾之林大慶等二十三人止以搶奪銀錢哄誘入夥不知劫獄情事俱約於十二月初二日夜齊赴西關外教場僻處聚會是晚林阿裕攜帶挑刀叫同伊子林連生肩負木梯并攜挑刀前至教場等候起更時分各犯攜拏木棍柴刀先後齊至教場惟陳阿萬陳基璧陳阿軍許良謝讓臨期畏懼未到時附近民人洪阿四攜帶妻子赴鄉探親是晚歸家各犯上前吆喝洪阿四夫妻疑爲強賊驚惶奔竄黑暗之中彼此失散幼子洪阿陳落後啼哭林阿裕恐人聽聞卽將幼孩砍殺時林智等十人以商謀搶掠不應擅殺行路之人疑其別有姦謀先行走避林阿裕見林智等已走將圖謀劫獄殺官欲救朋友陳阿高之言對衆告知并稱如有再走先行殺死危言嚇逼迨至四更林阿裕令衆前往爬城林大慶等十三人行至西關河邊乘林阿裕等先後過橋亦各分散惟林阿裕并子林連生馬阿袍并子馬阿俸與陳阿諒陳阿蘇劉阿猛王大才林阿六林阿泮張阿五劉阿順劉阿捷攜帶挑刀木梯趨詣西門城下林阿裕正在豎梯爬城而地保林喜住居附郭門戶臨街嘗各犯經過時聞犬吠出看見有多人聚集豎梯爬城不敢聲張潛回鳴鑼驚動城廂一帶鋪戶居民羣起叫喊林阿裕等五人攜械潛逃馬阿袍等七人遺棄刀梯分頭而逸比地保赴城喊報該縣史

易與遊擊田永桐卽帶兵役登城查察並無蹤跡開城出看檢獲遺刀七把木梯一張比時附近西門先有馬王氏向住離城二十五里之福崗鄉念佛吃齋兼醫疾病頗有效驗鄉愚稱仙婆其子馬阿魯以鄉居騙錢無多慈惠其母於十一月內移居西門之外毗連城市可以多得銀錢遂捏造謠帖哄人祈福禳災附近男婦多出其門其時地保林喜因林阿裕等潛逃無蹤憶及該氏甫來居住卽有此事人衆往來疑爲窩留匪類夤夜爬城肆竊當邀街隣林阿角等前至氏家并其姪馬阿豬網解以妖言惑衆赴縣首告卽指供爬城之賊爲氏徒黨該縣史易親赴氏家搜查起出謠帖一張訊問該氏不能狡賴欲爲伊子馬阿魯卸罪誣認自編謠帖并供出隨同喫齋之王大才林阿裕等該縣一面查訊馬阿豬詎該氏畏罪乘空取出身帶剃刀卽在縣堂抹脖子死拘到王大才止據供稱認氏爲姑母商同設法煽惑卽林阿裕等亦但供隨同喫齋於是夜爬城一節堅不承認迨洪阿四尋獲幼子屍骸赴縣呈報遇賊情由并據喬林鄉地保林良等報有溺斃人命兩起一係林阿裕之子林連生一係林阿裕之親劉阿順劉阿捷俱係聞擊畏罪自盡反覆究詰始據林阿裕等供認商謀劫獄殺官致死幼孩情事實之陳阿高之父陳阿受暨續獲各犯供無異詞監提陳阿高訊不知情旋獲馬阿魯到案搜出紅單四紙開寫祈福人姓名及願助香資錢數林阿裕等九人亦在其內此外尙有祈福有名隨同喫齋之林阿任等八名止於祈福並未喫齋之陳阿道等十一名僉供謠帖曾經馬阿魯在家給看並未抄傳隨令馬阿魯默寫謠帖一紙比對筆跡相符供認前情不諱臣恐林阿裕等各犯與馬王氏別有勾結謀爲不法情事嚴加刑訊矢口不移似無遁飾將林阿裕等一十二犯均依謀叛已行不分首從皆斬律擬斬立決照例梟示馬阿魯應照妄佈邪言煽惑人心爲首斬決例擬斬立決並聲明潮屬沿海要區民情刁悍浮動最易滋事若候部覆行回辦理未免日久玩生不知儆惕恭請 王命將林阿裕等各犯綁赴市曹卽行正法分別梟示等因具 奏前來查律載凡謀叛但共謀者不分首從皆斬妻妾子女給付功臣之家爲奴財產並入官父母祖孫兄弟不限籍之同異皆流二千里知而不首與謀而未行爲從者皆杖一百流三千里又例載叛案內干連流犯流徙烏喇地方又妄佈邪言書寫張帖煽惑人心爲首者斬立決又左道惑衆之人燒香集徒爲從者發邊遠充軍又律載私有妖書隱藏不送官者杖一百徒三年又名例二罪俱發以重者論罪各等語今林阿裕因交好之陳阿高問擬絞罪膽敢出頭糾衆潛圖劫獄謀殺縣令致死幼孩陳阿諒等或商謀糾黨或攜械隨行均屬同惡相濟藐法兇頑情罪重大實與叛民無異林阿裕陳阿諒林阿六王大才劉阿猛陳阿蘇林阿泮張阿五馬阿俸劉阿順劉阿捷林連生十二名均依謀叛已行不分首從皆斬律斬決梟示劉阿順劉阿捷林連生聞擊投水自盡應仍戮屍馬阿魯藉母持齋醫病妄思煽惑騙錢

輒以善惡吉凶爲詞捏造歌謠誘人釀災祈福亦應照妄佈邪言煽惑人心爲首斬決例斬決既經該督
恭請 王命先將林阿裕等九犯同馬阿魯綁赴市曹正法分別梟示應毋庸再議該督奏稱斬梟各
犯律應緣坐犯屬查林阿裕之妻盧氏子忝生陳阿諒之妻史氏馬阿袍之妻莊氏子孟春馬阿俸之妻
劉氏子阿居女阿好陳阿蘇之妻張氏子阿殿阿部劉阿猛之妻蘇氏女誥娘王大才之子阿桃女阿幼
林阿泮之妻陳氏女阿糖俱應照律給付功臣之家爲奴林阿裕之母黃氏兄林阿珠陳阿諒之父陳日
永母孫氏兄陳阿顯陳阿如陳阿六馬阿袍之母陳氏林阿泮之弟林阿萬俱依律流二千里照例流徙
烏喇地方各犯財產現在飭查取結辦理林大慶林智林阿大許阿萃林阿秋莊阿英莊阿木關阿勝蕭
阿朝張阿向洪阿綱馬阿多吳阿興馬阿二林阿碧馬阿歡馬阿達莊德儒馬阿九馬阿移馬阿發楊勇
陳表廿三名訊係糾謀搶奪不知劫獄情由一聞劫獄殺官卽行散回尙知畏法但既已聽糾入夥均應
照謀叛未行爲從律杖一百流三千里陳阿萬陳基璧陳阿軍許良謝讓五名聽糾入夥臨時畏懼未行
應與陳阿高之父陳阿受均照知而已行不首律杖一百流三千里流罪各犯俱照例僉妻改發烏嚕木
齊給與種地兵丁爲奴林阿任等八名明知馬阿魯捏造歌謠前往祈福且復隨同喫齋應比照左道惑
衆燒香集徒爲從發邊遠充軍例發邊遠充軍至配所各折責四十板吳阿道等十一名止於出資祈福

但既見謠帖不行首報亦與馬王氏之姪馬阿猪均應照私有妖書隱藏不送官律杖一百徒三年定驛
發配折責擺站在逃之馬阿袍罪應斬決嚴緝獲日另辦等語均應如該督所奏完結等因乾隆二十九
年正月二十九日奏本日奉 旨依議欽此刑部爲遵 旨妥議具奏事內閣抄出乾隆三十九年

正月二十九日奉 上諭李侍堯查奏揭陽縣賊匪爬城起釁緣由一案據稱該縣先有陳阿高等聚
衆結盟經巡撫德保核審以絞候發回監禁匪徒林阿裕等與陳阿高交好探知罪名已定起意糾匪潛
謀劫獄縱放乘該署縣交卸之際約期舉事潛匿城外適遇民人洪阿四攜眷探親見而驚散幼子落後
遂被殺死匪衆晝夜爬城聞地保聲喊始行逃逸等語林阿裕等敢於潛謀劫獄情罪實爲可惡已交李
侍堯卽速嚴審從重定擬矣此案皆由陳阿高擬罪過輕匪徒見其久繫囹圄遂潛謀滋事致皆身罹重
典使陳阿高犯案時卽行正法林阿裕等無隙可乘轉得杜其奸謀亦卽可全其軀命所謂辟以止辟用
意正復如此及查核原案則陳阿高之問擬絞候尙係德保比例加重是此係舊定之例原未允協夫以
歃血訂盟謂不分人數多寡殊覺顛預失當豈有十人內外與多至四五十人者可漫無區別乎卽如陳
阿高一案結盟至四十餘人之多又係該犯起意聚衆且陳阿高年僅二十二歲案犯較其年長者尙多
而衆皆推之爲首卽屬匪黨渠魁更非序齒結拜弟兄者可比自當另定例條以示懲創所有陳阿高罪

名已諭令李侍堯歸於林阿裕等案內從重定擬至嗣後遇有此等案件如何另行定例之處著刑部詳
 悉妥議具奏欽此欽遵伏思匪徒糾眾結盟黨惡滋事自當視人數之眾寡核情罪之重輕詳立規條以
 示區別例載歃血訂盟一條但分有無歃血盟誓情事不論人數多寡誠如 聖諭豈有十人內外與
 多至四五十人者一例問擬原定之例殊未允協 等悉心酌核如歃血焚表為首者原例定以絞候若
 人數較多即當立賞重典以昭炯戒其雖無歃血焚表情事而人數眾多及聚眾居首之人並非依齒序
 列者尤當詳加區別酌核定例分晰辦理庶輕重不致失平謹將原例酌議增改另繕清單恭呈 欽
 定如蒙 俞允所有廣東省陳阿高一案除首犯罪名業經奉 旨歸於林阿裕案內從重定擬外
 其為從各犯 臣部即照新例辦理並纂入例冊通行直省遵行等因乾隆三十九年正月二十七日奏奉
 旨依議欽此

照謀叛例
 之父母兄
 弟奉 旨
 俱著加恩
 免其緣坐

河南司 一起為請 旨事據河南巡撫富勒渾咨稱新蔡縣李釗等聚眾不法案內續獲李老腿並
 陳順等拒捕傷斃差役審擬治罪一案恭奉 上諭以陳順一犯知李老腿係李釗案內罪犯並不舉
 首反資給盤費致令遠颺及該縣差拏又糾合族人陳國瑞等將兵役打傷致死實非尋常拒捕殺人者
 可比情節實為可惡至陳國瑞一犯雖因傷身死其妻子亦不可恕著交該撫查明案內為首要犯一併

照反叛例給功臣之家為奴欽此欽遵在案又奉准部咨內開陳順陳二小陳世澤徐添眷蕭正卿蕭江
 及被傷身死之陳國瑞等糾眾搶犯拒傷兵役連斃二命罪大惡極實與叛犯無異應查明陳順等七犯
 妻子解部給功臣之家為奴財產入官等因雖恭繹 諭旨以及部咨僅令將該犯等妻子給功臣之
 家為奴而未及該犯等父母兄弟與孫但該犯等拒傷兵役連斃二命罪大惡極實非尋常拒捕殺人者
 可比已將該犯等照叛犯律正法分別臬示則該犯等父母兄弟與孫似應照律一併緣坐內除陳順之
 子陳百林本身另行犯案應從重辦理其子右兒僅兩歲照叛犯之孫如有年幼不便與父母拆離流徙
 令其親屬收養之例應隨陳順之媳孫氏一併照例辦理外所有陳二小之母周氏兄陳世同陳世澤之
 父陳國法母李氏兄陳世珍弟陳秋兒蕭江之母李氏弟蕭敢兒均應緣坐照律流二千里安置至陳世
 澤之長女連兒據該縣府查明已於乾隆四十三年間憑媒張世法許與楊國用之子蘭兒為妻媒證庚
 帖確有可據應依律給與楊國用領回俟其長成與蘭兒完聚蕭正卿據該縣府訊明該族長堅供本係
 姓蘇並無父母兄弟前因蕭灼念其年幼無依留為義子改從蕭姓嗣因不務正業即於四十年間逐出
 歸宗供證確鑿蕭灼同妻周氏并其子蕭珍剛應免其緣坐蕭周氏應行保釋蕭灼蕭珍剛并免緝拏等
 因咨達前來查已正法之陳順等各犯逞兇搶犯拒捕殺差連斃兵役二人實與叛逆無異 臣等欽遵

諭旨於題覆時議將陳順等七犯之妻子照例給功臣之家爲奴行令該撫遵照辦理在案今據該撫將各該犯等父母祖孫兄弟一併緣坐援律擬流並聲明陳順之子陳百林本身另行犯案應從重另案辦理等因咨達到部除已正法之蕭正卿訊係蕭灼抱養義子蕭灼暨妻周氏子蕭珍剛律不緣坐已正法陳順之孫右兒年僅兩歲應給親收養均毋庸置議陳順之子陳百林所犯之案應令該撫速行審擬題報外臣等查乾隆四十六年九月奉 旨嗣後逆犯之祖父母父母應行緣坐者除訊明知情故縱仍照例問擬外其訊非知情者卽概予省釋不必緣坐著爲令欽此欽遵查已正法之陳二小陳世澤蕭江等之父母兄弟據該撫訊明並不知情又查正犯之兄弟律應緣坐亦係指實犯謀叛者而言此案陳順陳國瑞等於該縣差拏時將兵役打傷致死非尋常拒捕殺人者可比原奉 諭旨令該撫查明爲首要犯之妻子照謀叛例給功臣之家爲奴今該撫咨請將該犯父母兄弟一併緣坐查與欽奉 諭旨不符除各該犯等之妻子應給功臣之家爲奴行令照例解京給賞外所有各該犯之父母兄弟應否免其緣坐之處臣等未敢擅便理合繕摺奏 聞請 旨等因乾隆四十七年四月二十一日奏本日奉 旨陳順等各犯之父母兄弟俱著加恩免其緣坐餘依議欽此

駁案新編卷六終

駁案新編卷七

目錄

刑律賊盜上

強盜分別法所難宥情有可原

搶奪駁改強盜

殺人夥盜係無服尊屬以凡論

捕役奉差緝賊審非正盜例

藥迷幼孩

革役鎖拏舊匪自溺斃命擬絞

搶奪殺人駁改強盜

誣良拷打致死

傳授迷人藥方永遠監禁

用藥迷人例